

聚學軒叢書



口經天象考卷九

聚學軒叢書第一集

通州雷學淇

貴池劉世珩校刊

治麻下

麻元

成麻

麻元

後漢書律麻志曰三五迄於來今各有改作不通用故黃帝造麻起辛卯而顓頊用乙卯虞用戊午夏用丙寅殷用甲寅周用丁巳魯用庚子漢承秦用乙卯麻之興廢以疏密課固不主於元

淇按麻元之說非古也徧檢古經無所謂麻元之說也自周不頒朔私麻紛行列國史臣各用已法炫奇飾美依託於古之帝王謂其起麻之年七曜

同宮竝在一度彼此相效習以成風於是厯元之

說始起

卽漢書藝文志所載黃帝顓頊夏殷周魯等厯

及漢武帝喜符瑞

作厯者徵引其說以冀其法之得行猥云太初法

最密日月如合璧五星如連珠東漢繼之更以讖

緯言厯於是厯元之說愈熾凡議厯者乃莫不於

元之異同紛紛致辨矣雖然非古經之義也孟子

曰天之高也星辰之遠也苟求其故千歲之日至

可坐而致也此謂厯以知來爲用非數往無以知

來故黃帝旁羅日月星辰帝堯厯象日月星辰皆

因其已往之故求而數之因以證未來者而知其

必來如諸經所記日月星辰之象其確然有年代

可考者此豈非故之章明較著而厯厯可數者乎
若麻元之說則不然史記麻書引甲子篇曰太初
元年歲名焉逢攝提格月名畢聚日得甲子夜半
朔旦冬至正北無大餘無小餘無大餘無小餘漢
書律麻志則云前麻上元太初閏逢攝提格之歲
中冬十一月朔旦冬至日月在建星而後書麻志
又云甲寅元正甲子朔旦冬至七曜之起始於
牛初或又曰此年月日時皆甲子也蔡邕月令論
引顓頊麻術曰天元正月己巳朔旦立春日月俱
起於泰後漢志則云乙卯之元人正己巳朔旦立
春三光聚天廟五度大衍麻議引顓頊麻又曰上

元甲寅正月甲寅辰初合朔立春七曜皆直艮維之首此則星象之難憑者也乾鑿度云文王受命之年距上元二百七十五萬九千二百八十歲三統厯謂時距上元十四萬三千歲通厯則云晉距上元九萬七千歲麟德大衍以後推上元者人各不同皆積算至數百萬歲而班氏律厯志又云上元太初距元封七年止四千六百一十七歲此則年歲之難憑者也夫同一甲寅元厯也旣云冬至在建星又云冬至在牛初同一顓頊厯術也旣云立春在室五又云七曜直艮維果孰得眞象乎同一推上元也多之則云數百萬歲少之則云四千

餘歲果孰得確數乎若乃七曜同度之說歷代推步無一能符何以六麻讖緯之元竟屢得此象今以歲差求之立春在室五乃周恭王以後之象冬至在牛初乃魯昭公以後之象在建星乃漢以後之象黃顓之時何以有此甲子篇云畢陬之月冬至此則魯僖公五年正月日南至之說也豈古帝之世已有此麻法乎夫堯舜至今四千餘年耳日星斗建甲子麻年經傳具有明文尙聚訟紛如不得契合今於周末秦漢人之私術必將遙遙計數百萬歲以前以求夫麻元之合也此亦安能無爽縱使能合而於未來者不能預知則何貴乎此縱

使不合而於朔食弦望皆先天弗違如授時厯之

得於實測而不復推究上元也將謂之非善厯乎

授時厯法以實測晷景而定元起辛巳皇明通紀支大倫謂其法以太乙甲子爲上元附會之說

且治厯所以明時以授農也使如十一月而辰在

申十二月而蟲未伏聖人誠不能不糾正之以救

其失若止時刻少有前後朔望少有推遷於天時

人事既無乖違又何必變亂紛更反失敬授之義

論疇人之治術固當精益求精然託以渺冥不可

稽之象荒遠無可考之年亦殊非謂昔司馬彪曰

厯之興廢以疏密課固不主於元劉義叟曰聖人

厯象止於恭授人時雖預考交會不必召合辰刻

蓋亦深鑒厯議之繁縟支離無關大節也然則厯以授時亦順天求合無先時無後時而已古經既無厯元之說則元非厯之要務可知使治厯者自帝堯以後凡古經所記日月星辰之象皆求其故而驗合焉是天正人正之始建皆元之所起也素問大論及史記律書皆確有其象與經傳之文歲差之法又無一不符此較之六厯讖緯之荒渺難稽者豈不遠愈也乎

推厯元之本義蓋謂厯算託始之日或以冬至或以立春

也以冬至者天正之元即顓頊夏禹之厯法也後人引立春者人正之元即

仲而附會之乃

變爲上元之說

成厯

黃帝

少昊

顓頊

帝嚳

唐

虞

夏

殷

周

六厯

大戴記五帝德曰黃帝黼黻衣大帶黼裳乘龍展雲以順天地之紀幽明之故死生之說存亡之難時播百穀草木故教化淳鳥獸昆蟲厯離日月星辰

世本曰黃帝使羲和占日常儀占月車區占星氣伶倫作律呂大撓作甲子隸首作算數容成綜此六術著調厯

素問曰黃帝坐明堂始正天綱

史記厯書曰黃帝考定星厯建立五行起消息正閏餘五帝紀曰黃帝迎日推策旁羅日月星辰

漢書元封七年詔曰蓋聞黃帝合而不死名察發斂定清濁起五部建氣物然則尙矣

後漢書張衡傳曰渾元初基靈曜未紀吉凶分僭人
用瞳矇黃帝爲斯深慘有風后者是焉亮之察三辰
於上跡禍福於下經緯厯數天步有常
晉書律厯志曰軒轅紀三綱而闡書契

隋書經籍志有黃帝地厯一卷斗厯一卷

洪按厯之有象始於伏羲厯之有書始於黃帝此

確然可信者也調厯星厯斗厯地厯書皆失傳漢

時有黃帝五家厯三十三卷乃周秦人之依託猶

之張衡撰飛鳥厯吳範撰四神厯皆託名於黃帝

耳

路史謂黃帝造六十神厯卽甲子一
周是也軒轅傳云作十六神厯非是

大戴記曾

子天圓曰律居陰而治陽厯居陽而治陰律厯迭

相治也其閒不容髮漢之太初厯以八十一爲日
實與三統厯皆以律起數此卽調厯之遺義也堯
典之正時視昏中之星小正之授時記昏旦之宿
三代之頒朔每月必驗以宿星之伏見中正此卽
星厯之遺義也帝之紀三綱舜之在玉衡夏書之
述三正周書之記兩辰天官書之記三建漢書律
厯志之記三合三甲此皆斗厯之遺義也洪範之
五行周禮之星土司徒之測地匠人之水地淮南
子言地有八門而寒暑異尙書緯言地有四游而
冬夏分素問曰地爲人之下太虛之中者也大氣
舉之此皆地厯之遺義也四厯之說後世皆祖述

之然則麻術之興始於黃帝信矣

右黃帝麻

左傳郯子曰我高祖少皞摯之立也鳳鳥適至故紀於鳥爲鳥師而鳥名鳳鳥氏麻正也元鳥氏司分者也伯趙氏司至者也青鳥氏司啟者也丹鳥氏司閉者也

淇按少昊之麻術不傳於世世亦無依託者豈其法承用古制無所改易歟觀八司五鳩九扈之設固不同矣

右少昊麻

天戴記五帝德曰顓頊履時以象天

晉書董巴麻議云顓頊以今之孟春正月爲元其時正

淇按伏羲之易以乾爲首周人因之是曰周易乾之中爻位當西北之正中乃立春日躔之所在也神農之易以艮爲首夏人因之是曰連山艮之經卦位當東北其中爻乃立春日斗綱之所建也黃帝之易以坤爲首商人因之是曰歸藏坤於八卦之體象位當正北子中在用象則正北爲坎坎之中爻卽陽氣歸藏於坤之象乃古法冬至日躔斗建會集之所也黃帝紀三綱而著斗厯三正之建皆託始冬至夜半之子中卽原於此董巴謂湯作殷厯弗復以正月朔旦立春爲節更以十一月朔

旦冬至爲元首下至周魯及漢皆從其節此謂作
厯以冬至爲元始於黃帝商周魯漢從之作厯以
立春爲元始於顓頊唐虞夏后從之至於敬授民
時則古之帝王無不首孟春者非顓頊帝之始建矣

右顓頊厯

大戴記五帝德曰帝嚳厯日月而迎送之

王肅家語此篇日月下有

之生朔三字

小戴記祭法曰帝嚳能序三辰以著眾

魯語曰帝嚳能序三辰以固民

右帝嚳厯

書堯典曰乃命羲和欽若昊天厯象日月星辰敬授人

時中星及二十八舍斗綱三建並見上宿星循斗二篇

尸子曰造厯者義和子也見藝文類聚

易乾鑿度曰堯以甲子天元爲推術鄭注云甲子爲部首起十一月

朔日

漢書元和二年詔曰今改用四分以遵於堯

隋書袁充曰帝堯受命四十九年到上元第一紀甲

子天正十一月庚戌冬至

唐傅仁均戊寅厯謂堯時冬至在虛宿六度

一行大衍厯謂帝堯演紀之端在虛一度

陳致虛參同契注云堯元年甲辰冬至天心到子

天元厯理曰帝堯元年冬至在癸卯日戌正初刻其

歲干合竹書紀年得丙子歲古法以日景來復爲至
宜得甲辰矣

洪按唐之厯法漢時頗有傳者如律書之二十八
宿冬至在虛天官書之斗綱三建卽冬至一日之
象他如元和詔書易緯等說較六厯依說之文轉
爲近實準以堯典中星後賢推步是古象昭然尙
可識矣一行謂堯時冬至在虛一度劉焯謂在女
虛之交此與律書所記堯時星度合傅氏謂在虛
六金氏華氏謂在虛七此與劉訓漢志所記星度
合何承天袁充謂在女之十度劉孝孫謂在危宿
周執羔謂在牽牛此則荒棄經文有乖典訓焉徐

氏圃臣推帝堯元年丙子歲冬至在癸卯日戌正一刻古法以日景來復爲至故陳氏曰在元年甲辰其餘謂堯元年歲次甲辰者徐氏謂是誤日爲歲袁氏所推庚戌冬至亦用竹書長曆者然不若徐之精確矣

右唐曆

書堯典曰正月上日受終於文祖在璿璣玉衡以齊七政

大戴禮志誥虞史伯夷曰虞夏之曆正建於孟春於時冰泮發蟄百草權輿瑞雉無釋

後漢書律曆志謂歷代曆元不同虞用戊午

淇按人統小正之法定於舜之在璣衡卽三代所